

Հայոց և Յունաց առ Դատաւորն , բայց չգիտէին ինչ՝ եւ լռութեամբ 'ի զննին կային եւ վշտացեալ իմն էին 'ի նմանէ , զի չյայտնէր ինչ նոցա : Հայք յորդորէին գլխաւորն կոչել երբեմն զնուրի էֆէնտի 'ի խորհուրդ , զի պաշտօնեայ է և ըստ գրեւոյ Դենպետին գործակից նմա : Իսկ նա ասէր , իմ գոլով երուսաղէմացի՝ գիտեմ զորպիսութիւն երկրիս և զհանգամանս երկուց ազգաց . նախ՝ կարգաւորեցից զամենայն ինչ ըստ եղանակին , եւ ապա ազգ արարեալ նմա սկիզբն արարից գործոյն : Այլ իբրեւ գանկաւ ասացին Հայք ցնուրի թէ ընդէ՛ր երկարէ նա զգործն . ասէ՛՝ երկայնամիտ լերուք տեսանել թէ՛ զի՞նչ Դատաւորն եւ քաղաքացիք ունին առնել , այնուհետեւ կամ սկիզբն առնեմք գործոյն , կամ գրեմք 'ի կոստանդինուպօլիս , կամ երթամք անդ , զամենայն ինչ մի առ մի պատմել Տէրութեան , կամ Տէրութիւնն զմեզ աքսորէ , և կամ հզօր զօրութեամբ վերստին դառնամք այսր : Առ այս 'ի կասկածի եղեն Հայք՝ զի մի ծանրացի գործն , և հանդիպեսցին ցասման Արքայի՝ որպէս առաջինքն : Զի թէպէտ գրեալ էր Փոխանորդն ծանուցանել զհակառակողն , բայց 'ի վերջոյ յաւելոյր վարիլ խոհեմութեամբ , զի յայս նուազ եւս չելանել գործոյն 'ի գլուխ՝ ունէր ծանրանալ : Ապա յորդորանօք Հայոց գնաց Զուխատարն առ Դատաւորն հարցանել զգործոյն , զի պատուէր ունիմք ասէր զինի չորից աւուրց դարձուցանել զսուրհանդակոն , և այս իններորդ օր է չտեսաք նշան ինչ , իսկ նա չողոքօրդ բանիւք ամբքեալ զմիտս նորա՝ արձակէ խաղաղութեամբ յինքենէ , և կոչեալ առանձին զմին 'ի ժողովրդոցն Հայոց զԳէորդ Պոտուռեան՝ պատմէ զանցս Զուխատարին , և յայտ առնէ զխնդիր իւր , և նորա եկեալ պատմէ Պատրիարքին , եւ 'ի վաղիւն Հայք իբր յանգէտս գնացին առ նա (յժ Նոյեմբերի) և 'ի լինիլ երկար բանից՝ դարձեալ առաջի ետ նոցա զխնդիր իւր , և 'ի վերայ այսր տարապայման երկարէր զխօսս իւր , և 'ի վերջոյ ասէ յայտնապէս 300 քսակ միայն ինքեան : Այլ նոքա չառին յանձն , զի 'ի լսել Պատրիարքին և Մերունեաց վշտանան , և անպատճառ գրեալ ծանուցանեն 'ի Դուռն . և 'ի յառաջ բերել նորին զմուրհակ նախորդին իւրոյ , ասեն՝ եթէ կամիս